

Sakspapir

Saksbehandlar	Arkiv	ArkivsakID
Roald Kvingedal	FA - U43	17/813

Saknr	Utval	Type	Dato
018/2017	Teknisk utval	PS	05.09.2017

Høyringsuttale - søknad om utviding av anlegg for oppdrett av matfisk av laks og aure på lokalitet Duesund

Vedlegg:

Journalposttittel	Dato
Engsund	11.07.2017
Søknadskjema 21.	06.07.2017
Kart lokalitet	06.07.2017
MOM-B 2015 Rådgivende Biologer AS	06.07.2017
Straum og MOM-B 2015 Rådgivende Biologer AS	06.07.2017
Helseuttalelse for høst 2016	06.07.2017
Følgjeskriv	06.07.2017
Resultat slakt	06.07.2017

Rådmannen sitt framlegg til vedtak:

Masfjorden kommune har ingen merknad til søknaden om å auke produksjonen frå 1560 tonn til 2340 tonn MTB, av matfisk av laks og aure på lokalitet 1644 Duesund.

Grunngjevinga : Engesund må redusera aktiviteten på lokaliteten Ådnekvam på grunn av oksygenreduksjon i djupvatnet i Masfjorden. Dette kan skyldast variasjonar i naturlege høve. Engesund har av fylkesmannen i Hordaland vorte bedne om å redusere aktiviteten på Ådnekvam , der har dei eit mellombels løyve til drift ut 2018. Samla konsekvensar ved utviding av anlegget er gjennomgått i vedlagt rapport frå Rådgivende Biologer AS

Saksopplysningar:

Bakgrunn

Masfjorden kommune har den 07.07.2017, mottatt søknad frå Engesund Fiskeoppdrett AS, søknad om løyve til utviding av anlegg for oppdrett av matfisk av laks og aure på lokalitet 1644 Duesund. Utvidinga gjeld frå 1560 tonn til 2340 tonn MTB. Masfjorden kommune skal vurdere søknaden og legge søknaden ut på offentleg ettersyn.

Høyring

Søknaden er lagt ut for gjennomsyn på kommunehuset, Masfjordnes, i tida 18.08 – 15.09.2017, og på heimesida Masfjorden.kommune.no.

Uttalefrist 15.09.2017.

Det er ikkje kome inn merknader pr 28.08.2017.

Fakta

Søknaden gjeld søknad om løyve til utviding av anlegg for oppdrett av matfisk av laks og aure på lokalitet 1644, Duesund Masfjorden kommune. Området AK11 er avsatt i arealdelen til kommuneplanen. Engesund Fiskeoppdrett AS søker om løyve på lokaliteten Duesund til auka maksimalt tillaten biomasse i anlegget frå 1560 tonn til 2340 tonn.

Grunngjevinga for søknaden er at Engesund må redusera aktiviteten på lokaliteten Ådnekvam på grunn av oksygenreduksjon i djupvatnet i Masfjorden. Dette kan skyldast variasjonar i naturlege høve. Engesund har av fylkesmannen i Hordaland vorte bedne om å redusere aktiviteten på Ådnekvam, der har dei eit mellombels løyve til drift ut 2018.

Samla konsekvensar ved utviding av anlegget er gjennomgått i vedlagt rapport frå Rådgivende Biologer AS.

Søknad frå Engesund

Miljøtilstand under og i nærsone til anlegget, har vore målt gjennom MOM-undersøkingar (NS 9410). I alt er det gjennomført 3 MOM B-undersøkingar ved lokaliteten i perioden 2009-2015, og rapportar frå desse undersøkingane syner alle tilstand 1, beste tilstand. Trendanalysane som er gjennomført i driftsfasa tyder på god miljøtilstand i området, og at dagens drift er innanfor miljøet si toleevne. I kommuneplan for Masfjorden vedteke 31.05.2012 er omsøkt område avsett til akvakultur, og iføressegnene til planen er det høve til å leggje fortøyingar og anker i fleirbruksområde utafor område sett av til akvakultur.

Tiltaket fell inn under vedlegg II i forskrift om konsekvensutgreiingar for tiltak etter sektorlover (FOR 2014-12-19-1758). Søknaden skal då handsamast etter § 3 i forskrifta. Sådanne vedlegg II-tiltak kan berre påleggast «supplerande utgreiingar» dersom det er venta at tiltaket vil få vesentlege verknader som ikkje allereie er gjort greie for i søknaden.

Fylkeskommunen si vurdering er at miljødokumentasjonen i søknaden gir godt nok grunnlag for å vurdere om tiltaket får vesentleg verknad for miljø og samfunn, jf. vedlegg III i forskrifta. Dersom berørte partar meiner tiltaket kan få vesentlege verknader, og desse verknadane ikkje allereie er tilfredsstillande gjort greie for i søknaden, må dette meldast til fylkeskommunen innan 4 veker etter kunngjering. Vi minner om at det er fagmyndighetene for dei respektive kriteria i vedlegg III som skal vurdere om dei meiner tiltaket kan få vesentlege verknader innanfor sitt område og eventuelt melde dette inn til fylkeskommunen. Det skalkonkretiserast kva forhold som bør utgreiast nærmare.

Anlegget

Lokaliteten har vore i bruk i periodar sidan 1990-talet, med mellom anna oppdrett av torsk. Engesund fiskeoppdrett AS fekk 19. desember 2011 løyve til å etablere anlegg for oppdrett av laks og aure på lokaliteten, og hadde første utsett i 2012. Lokaliteten er godkjent for ein MTB på 780 tonn. Anlegget på lokaliteten besto tidlegare av 6 bur à 24 x 24 m, men består no av to stk. bur à 40 x 40 m (innvendige mål) frå Bømlø Constructions, oppgradert av Merdslippen AS. Merdene er ca 15 m djupe til blylina. Ein fôrflåte er plassert inst på lokaliteten (figur 5). Førre generasjon (laks) var ferdig slakta ut den 22. januar 2014. Etter nesten ni månader brakklegging vart noverande generasjon sett ut 10. oktober 2014. På prøvetakingstidspunktet var det ca 151 000 aure i anlegget med ei snittvekt på 1,75 kg, til saman ca 264 tonn biomasse.

Vurdering

Rådmannen viser til mottatt søknad 07.07.2017 frå Engesund Fiskeoppdrett AS, søknad om løyve til utviding av produksjon av anlegg for oppdrett av matfisk av laks og aure på lokalitet Duesund.

Ei slik endring av produksjonen kan sjølvstakt ha ei negativ belastning på resipienten i fjordbassenget. Det er likevel ei kjennsgjerning at dette fjordbassenget er stort og at det pårekneleg vil kunne tåle ei slik utviding av produksjonen som omsøkt. Behovet for meir kunnskap om resipienten vil alltid vera til stades. Det er viktig for Masfjorden kommune å sikre ei langsiktig og berekraftig bruk/forvaltning av Fensfjorden, og kommunen har difor starta opp arbeid med kommuneplanen sin arealdel. Fylkesmannen i Hordaland har og tildelt skjønsmidlar for at det skal lagast eigen kommunedelplan for Fensfjorden/ Austfjorden for sjøareal som ligg i Lindås kommune og Masfjorden kommune. At arealbruken i sjø vert avklart gjennom grundige og demokratiske planprosessar, der alle partar og ulike interesser kan få seia sitt ved fleire høve, er eit viktig mål som er nedfelt i plan- og bygningslova, og som kommunen pliktar å følgje opp. Samla konsekvensar ved utviding av anlegget er gjennomgått i vedlagt rapport frå Rådgivende Biologer AS

Rådmannen legg med dette saka fram til politisk behandling.

Teknisk utval - 018/2017

TU - behandling:

Teknisk sjef Roald Kvingedal orienterte om saka.

Saka vart drøfta.

Tove Kristin Sleire Tistel (V) la fram nytt framlegg til vedtak:

Før det vert gitt tilråding i saka om auka produksjon, må der føretas ein ny konsekvensutgreiing av type MOM B, som visar dagens tilstand rundt lokaliteten.

Grunngjeving: Bakgrunn i om lokaliteten framleis er eigna for ein produksjon i denne storleiken, med omsyn til dagens O2 innhald i fjordsystemet og sett i samanheng med andre miljømessige konsekvensar i dette området.

Røysting:

Det vart først røysta over framlegget frå Venstre. Framlegget fall mot 3 røyster. Senterpartiet og Venstre for (2 røyster), Høgre og Arbeidarpartiet mot (3 røyster).

Det vart så røysta over framlegget frå rådmannen. Framlegget vart vedteke mot 2 røyster, Senterpartiet og Venstre.

TU - vedtak:

Masfjorden kommune har ingen merknad til søknaden om å auke produksjonen frå 1560 tonn til 2340 tonn MTB, av matfisk av laks og aure på lokalitet 1644 Duesund.

Grunngjevinga : Engesund må redusera aktiviteten på lokaliteten Ådnekvam på grunn av oksygenreduksjon i djupvatnet i Masfjorden. Dette kan skyldast variasjonar i naturlege høve. Engesund har av fylkesmannen i Hordaland vorte bedne om å redusere aktiviteten på Ådnekvam , der har dei eit mellombels løyve til drift ut 2018. Samla konsekvensar ved utviding av anlegget er gjennomgått i vedlagt rapport frå Rådgivende Biologer AS